

## REDENAARS: 2022

Die temas vir ATKV-Redenaars 2022 is bekend. Trek jou navorsingsbronne nader, wees kreatief en kom boul ons uit met jou standpunte.

**Onthou!!!!!!** alles is onderhewig aan Covid-19 regulasies, protokol en veranderinge.

**Hou asb. die volgende in gedagte wanneer u die toesprake voorberei.**

Dit moet 'n beredeneerde stuk wees – nie 'n mooi verhaal of storie nie!!!

As u die volgende struktuur volg, behoort die stuk geslaagd te wees:

1. **Kies 'n tema** byvoorbeeld; **Dans** – dis die tema  
Dan kan die onderwerp bv. wees: **Dans op die melodie van die lewe**  
Vermy dit om van die onderwerp 'n vraag te maak nie.
2. Die **inleiding** moet baie goed wees – iets wat dadelik die gehoor se aandag sal trek.  
Pasop vir 'n gediggie of liedjie - dis redenaars – nie drama nie!  
**Slot: Die slot moet samevattend wees van wat beredeneer is. Al die standpunte saamgevat.**
3. Spreek die **voorsitter** aan en kyk vir hom/haar wanneer jy hom/haar aanspreek.
4. **Uiteensetting van die inhoud:**  
Gebruik 'n interessante manier om die standpunte bekend te stel.

### **Byvoorbeeld**

5. Ek wil graag my **standpunte** aan die hand van die volgende punte beredeneer.  
Eerstens .....  
Tweedens .....  
Aan die hand van my eerste standpunt wil ek graag die volgende aan u bewys. (Onthou, ek gee maar net wenke. U kan dit omskryf nes u wil - hou net by die struktuur.

6. **BRONNE:**

Minstens drie bronne en meer moet gebruik word.

By Gr. 1-3 is Ouma of Oupa se woord of die Bybel goeie bronne want dit moet op hulle vlak wees.

By Graad 4 – 7 moet die bronne gesaghebbend wees en baie volledig aangedui word, byvoorbeeld; Ek lees in die Beeld van Saterdag, 11 September 2017 dat Ansie Vermeulen, 'n kliniese sielkundige van Kaapstad, skryf .....

Prof Swanepoel van die Universiteit van Pretoria verbonde aan die Sielkunde Departement skryf in sy boek .....

*Die leerder moet ook aandui of hy/sy met die inhoud wat aangehaal is saamstem al dan nie, met 'n verduideliking.*

7. **VOORDRAG:**

Kinders is baie geneig om 'n stuk voor te dra of te dramatiseer – onmiddellik diskwalifiseer hierdie leerder hom- / haarself. Dis redenaars – jy moet 'n toespraak lewer.

8. **KAARTJIES:**

Daar is nie regtig 'n voorgeskrewe reël nie, maar uit ondervinding stel ons voor dat die kaartjies omtrent 10 x 10 cm moet wees en kies 'n kleur soos wit, grys of wynrooi om by die skoolklere in te skakel – dit gee 'n beter vertoning.

Onthou die kaartjies is 'n hulpmiddel. Hou die kaartjies mooi in lyn met jou oë sodat jy nie jou kop hoeft te buig en af te kyk na die kaartjies nie, want dan druk jy jou keel toe en dan kan die gehoor nie hoor wat jy sê nie. Hou die kaartjies gemaklik in jou regter-of linkerhand en die ander hand langs jou sy.

9. **OOGKONTAK:**

Maak oogkontak met die gehoor. Moenie net na die beoordelaars kyk nie. Kyk vir die mense in die gehoor en maak oogkontak met hulle. Praat met jou gehoor en oortuig hulle van jou standpunte. Leerders mag nooit oogkontak verbreek nie.

10. **STEM:**

**Dit is baie belangrik:** Pasop dat jy nie sing nie!!!!. Praat mooi duidelik en hard.

Onthou jy gesels met die gehoor.

11. Onthou, 'n redenaarstuk moet op die kind se vlak wees. Gebruik ook die kinders se opinies – dis baie belangrik.

12. **TEMAS vir 2022**

<b>GRAAD 1 – 3</b>	<b>GRAAD 4 – 5</b> <b>Afrikaans Huistaal en</b> <b>Eerste Addisionele Taal</b>	<b>GRAAD 6 - 7</b> <b>Afrikaans Huistaal en</b> <b>Eerste Addisionele Taal</b>
Ore	Boeke	Humor
Groei	Patrone	Digitaal
Storie	Groen	Applous

13. **TYD VAN DIE STUKKE:**

- Graad 1 – 3: Nie korter as twee minute en nie langer as 4 minute nie.
- Graad 4 – 5: Nie korter as 3 minute en nie langer as 5 minute nie.
- Graad 6 – 7: Nie korter as 4 minute en nie langer as 6 minute nie.

14. **ALGEMEEN:**

Die redenaars wat by ons skool se Prestige-aand deurdring sal aan die Streeksbyeenkoms deelneem en dié wat dan verkies word gaan Suid-Gauteng toe en daarna is die SA-Kampioenskappe.

*Daar was 'n tendens in die verlede dat toesprake gekoop word. Wees bedag daarop dat dieselfde toesprake aan meer as een leerder verkoop word. Ouers moet asseblief waak daarteen omdat u kind onmiddellik gediskwalifiseer word as die beoordelaars daarvan bewus is.*

Die Redenaar Organiseerder is Me Trudie Wilken. Indien u enige hulp verlang kan u met haar skakel. Gedrukte toesprake vir 2022 moet voor/op 18 Februarie 2022 gereed wees en by Juf. Licia Pienaar ingehandig word. Vermy dit asb. om toesprake te e-pos.

Gekontroleerde stukke sal aan die leerders terugbesorg word vir regstellings, indien enige.

Die skool se uitdunne is as volg:

- **Gr. 1-3**                      **Dinsdag, 8 Maart 2022 om 18:00**                      **Skoolsaal**
- **Gr. 4-5**                      **Woensdag, 9 Maart 2022 om 17:30-19:00**                      **Skoolsaal**
- **Gr. 6-7**                      **Woensdag, 9 Maart 2022 om 19:00-20:00**                      **Skoolsaal**

Redenaarsgroete,

**ME T WILKEN**

**Hoof Organiseerder**